



**Aktiaateqarluni piginneqataassuteqarlunilu ingerlatseqatigiiffiit pillugit inatsisip (ingerlatseqatigiiffiit pillugit inatsisip) atuutilernissaa pillugu Kalaallit Nunaannut peqqusummut oqaaseqaatisamut Inatsisartut aalajangiiffigisassaattut siunnersuut.**

(Inuussutissarsiornermut, Suliffeqarnermut Niuernermet Nunanullu Allanut Naalakkersuisoq)

Naalakkersuisunit siunnersuut piginneqatigiiffinnut tunngasoq imatut Partii naleqqamiit oqaaseqarfingissavarput.

Tunngaviatigut isumaqarluinnarpugut akisussaaffik piginneqatigiiffinnut tunngasoq inatseqarnerlu nunatsinnut nuunneqartariaqartoq tuaviornerpaamik, massakkutut danskit inatsisaannit ilaartuiinnarata. Danskimi inatsisaat nunatsinni ingerlatseriaatsimut naleqqussagaanngilaq, tassuunalu uagut pisortaniit piumasaqarsinnaanerput suliffeqarfinit ammaaniartunik killilerujussuulluni.

Pingaaruteqarluinnartutut isigaarput maani nunatsinni qaammaasat misilitakkallu katersortariaqalerigut, aamma piginneqatigiiffinni nakkutilliinermut atatillugu. Danskit inatsisaata nunatsinnut naleqqutinnginneranut ersiutit arlaqarput, §-nilu 380 missaaniittuni asersuutigalugu §100-mi allaqqavoq piginneqatigiiffiit siulersuisuini ataatsimiinnerit danskit oqaasii tunngavigalugit ingerlanneqartassasut, taamaassinnaanngippallu toqqaannartumik danskit oqaasiinut nutserisoqassasoq. Tamanna suliffeqarfippaalunni nunatsinni ajornakusoopoq unioqqutinnginneranut ersiutit arlaqarput, taanna assersuutissaannaavoq, eqqarsaatigingaannimi nunatsinni oqaatitta pisortatigoortumik 2009-mi inissinneqarsimagaluarnerata ersersippaa.

Savalimmiuni ukiorpanngulersuni akisussaaffik taannarpiaq imani angallannermi qullersaqarfik tigunikuuaat iluatsilluartumillu manna tikillugu ingerlatilernikuullugu, tamaattumik Naalakkersuisut aammalumi partiit allat peqatisererusuppagut namminerisatsinnik immikkullarissuseqarnerput tunngavigalugu inatsiseqalernissarput suliniutigisariaqarparput, tamannami minnerpaaffiusariaqarpoq nunami naalagaaffinngorniartumi. Angutserlugulu suliaq aallartikkasuarnitigu peqatigiilluta.

Danskit piginneqatigiiffinnut inatsisaat qimerluualaaraanni soorunami assigiinngitsutitigut EU-mut ilaasortaaneq tunngavigalugu naleqqussaasarsimanissaat ilimanaateqarsinnaavoq, soorlu siunnersummi eqqaaneqartoq.

Suleqatigiissitap innersuussutai uani inatsimmi naleqqussaanermi tunngavilersuutigineqartut qulaani partiimiit anguniagaqaqtigiikkusunnermi suliap aallartinnissaa, naammassinissaata



tungaanut makku naleqqussaatit akuersaarsinnaavagut, partiinit Naalakkersuisunillu siunniussinnaagutsigu namminerisatsinnik inatsiseqalernissatta suliarylugu aallartinnissaa qulakkeersinnaagutsigu. Tassanilu soorunami partiit allat Naalakkersuisullu isumaqataanersut apeqquaassooq. Taamaasilluta aamma naleqqusaanerit peqqussutit allallu qimallugit namminerisatsinnik inatsiseqalernissarput pilersissangaluarparput avataaniillu piginneqatigiiffinnik pilersitsiniat nunap nammineq inatsisaanik tunngaveqalerlutik, soorlu assersuutigalugu Savalimmiuni taamaareersoq.

Allannguuitssani assigiinngitsuni immikkut taasarialittut isigaarput, una:

Inatsit nr. 720, nalilersueqataarusupugut, tassanimi aamma pineqarmat, kukkunersiuinermi piumasaqaatit annikillisaaffigineqarnerat, eqqarsarnartortaqarsinnaasutut nalileratsigu. Tassani sukumiinerusumik Naalakkersuisut nassuaateqarnissaat pisariaqarsoraarput.

Tamakku qulakkeersinnaagutsigit ilusilersueqataassaagut, unalu naleqqussaagallarneq akuersaarnartutut isigalugu ataatsimiititaliamut suliareqqitassanngortillugu. Taamatut oqaaseqarluta Naalakkersuisut partiillu qanoq isumaqarnersut paaserusuppagut

Qujanaq